

Histor eus a vuez Santez Barba

Pehini zo mañ da veza reklamet dioc'h ar gurun,
a dioch ar maro subit

Me o suppli kompagnnez,
Da zelaou kana eur vuez,
Buez Gwerc'hez santez Barba,
Goude Doue garan muya.

Er bloas daou c'hant ag auter-kant,
Dindan Maximin an tyrant,
Demeus a noblans bras meurbet,
E Nikomedi voa ganet.

He zud a oa idolatret,
A gorf, a galon, a speret,
He zad, kalon kris a garo,
Lake kristeinien d'ar maro.

Mes ar Werc'hez Santez Barba,
A garie Jesus dreist peb tra,
Kristenez voa a dra serten
Ha zouten vras d'ar gristeinien.

He guenet a oa kaer meurbet,
Gant our pring oa bet deziret,
A goulen a reas anhezi,
Digant he zad da zemezi.

He zad a gommandas dezhi,
Accepti zouden ar barti,
Ag hi a respontas neuze,
Ne raje biken an dra-ze.

Sonjal teujê da gonsañti,
He zad c'houre'hemenas dezhi,
Antren en un tour er prison,
O klask renji d'he reson.

f An Doue adore he zad,
Eno renversas gant he zroad,

71 00.779

— 2 —

A nem rcet d'ar gwir Salver,
A gorf ag a galon sinser.

Ar c'homzou man a lavaras,
Jesus so maro eus ar groas
Ofrr a ran d'he oll Majeste,
A galon va virginite.

Neuze souden dre virakl bras,
Sin ar groas ken don a c'hravas,
Gant he bis en eur men kalet,
E effasi ne allet ket.

A goude e kommandas prest,
Ma vige great tri brennest,
Evit enori an Drindet,
A garie a galon barfet.

He zad an dra-ze pa velas,
Eus ar Santez a c'houennas,
Petra sinifi kement-se,
Zo gret dre oc'h otorite,

Evit henori an Drindet,
Va zad meus o recommandet.
An Tad, ar Mab, ar Speret-Glan,
A zo tri ferson en unan.

Tri brennest zo var ar prison,
Un Doue so en tri ferson
Va zad va entent n'ellit ket,
Eñ defot beza badezet.

Pell-so va zad oa em speret,
Dont da laret deoc'h eur sekret,
Kredi a ran er gwir Salver,
C'hui glefe ivez en ober.

Souezet omp ous ho kwelet,
Eñrezoc'h, c'hui idolatert,
Ous ho kwelet e adori,
Doue gret gant mein a pri.

Me ne ran ket a istim vras,
A Jupiter nag a Ballas,
Satan en deus o invantet
Evit koll ar bobl, eus ar bed.

Eur rum so Egyptianet,
Ag a hador ar serpantet,
Ispicial ar c'hrokodil,
A so var dro rivier an Nil.

Darn all a ador un eujen
A lod all a bed un azen
Ag an dud a Alexandri,
A ador ar c'haz ag ar c'hi.

Etrezomp nimp oll kristenien
A ador un Doue mui ken,
Pehini a so an Aotrou
Eus an douar hag an envou.

Va zad, abalamour da Zoue,
O pet truez ous hoc'h ene.
Lezit ho lezen milliguet,
Pe oc'h sur da veza daonet.

He zad neuze pa e c'hlevas.
Dre goler vras e respontas,
Iffrontet out, en assuraus,
Komz er lêson-ze em presans.

Ia ! va merc'h te assuramant
Sioas peus kollet da skiant,
Adori un den so krouguet,
Evit krimou ep mar ebet.

Va zad, laket oa d'ar maro
Gant ar Judevien en e vro,
Mes, va zad ne entetit ket,
Penevert-se omp oll kollet.

Da hennez neus bet va frenet,
Va zad, ez on me demezet,

Brassoc'h mest eo assuramant,
Eguet Maximin an tyrant.

Hennez en deus grêt a netra,
Kement a velomp er bed-man,
Hag eur plas roïo da repos,
D'ar gristeinien er Barados.

A nep ne gredont henhan,
Pa zeuyo d'ar varn ar bed-man,
Vezo barnet ep marr ebet
D'ar flammou a zo diremet.

He zad e koler antreas,
He gleze diouc'h-tu a demas,
Ag e zreuzi fellas dezhan,
Mes Doue a viras outhan.

Var e lere'h e redas neuze,
A dre bermission Doue
Eur roc'h wen oa nem digoret,
Gret plas dezhi da nem guzet.

Goude-ze e voa kemeret
A gant kerden rust amaret,
A d'ar presidant Marcian
He zad el livras he hunan.

Ar presidant pa er gwelas
Ouc'h ar Santez a c'houlennas,
Din-me prontamant livirit,
Pez seurt Doue a adorit.

Ia ! Credit aotrou presidant,
Kristenez ouu certenamant,
Na ne neus nag aour nag arc'hant,
A elfe chans va santimant.

Dic'hallout eo o toueou,
Ag e lavaran deoc'h aotrou,
E kavan gwel vras o fazi,
Laket an dud d'o adori.

Souezet bras ouñ me ganeoc'h,
 Va mere'h truez am meus ouzoc'h,
 Kuittaït ho lezen ato,
 Pe otramant ez oc'h maro.

Mar kirit cheuch a santimant,
 Me royo d'ec'h aour ag arc'hant,
 Ag eur prinç bras evit pried,
 O karo a galon barfet.

Ho toueou so digalon,
 Jesus eo va zenzor gwirion,
 Bras vez an den ambitius,
 Ma ne vez kontant a Jesus.

He zad neuze pa er c'hlevas
 D'ar presidant a lavaras,
 Aotrou presidant, grit justic,
 Rag homan so leun a valiç.

Dre-ze grit justic me o ped,
 Hervez al lezel he barnet,
 Pe me skrivio a dra serten,
 Ez oc'h evit ar gristeinien.

Mar fazit, kredit erfat,
 E berr amzer kolfoc'h ho stad,
 An Impalaer, dre e arrêt,
 A ordren ma vezo losket.

Neuze souden voa divisket,
 Ag ous eur pillier oa staguet,
 A dispennet gant skrifellou,
 Ma kweze ar c'hig a bechou.

Un horrub bras e oa gwelet
 He goad virginal o redek,
 A ne oa den, bras na bian,
 Ne weljont oll guitibunan.

Goude d'ar prison oa kasset
 Er bassefos e oa laket,

O sonjal dre poan ag aken
E teuje da c'heuil ho lezen.

Neuze soudan oa bizitet,
Gant Jesus-Christ, Salver ar bed,
Pehini, en eur douch outi.
A lakas he goad da virvi.

Barba, va merc'h, o ped kourach,
Rag ar presidant a arrach
Ouzoc'h, en defot va c'huitat
Da adori Doue ho tad.

Jesus, n'am abandonit ket,
Mar plich ganeoc'h, va zikouret,
Ma e hellin souten konstamant,
Evit o kloar pep seurt tourmant.

An eol, al loar ag ar stered,
A vezo mil gwech distrujet,
Raog ma vankfenn va gwir Salver,
D'o karout a galon sinzer.

En deiz varlerc'h oa bet tennet,
Evit beza interrojet,
Roet e oa dezhi da choas,
Renons, pe soufr tourmanchou bras,

Hi fortifiet gant Doue,
Prest a respontas d'ar Roue,
Lavaret em eus deoc'h dija,
Va santimant ep nac'h netra.

Er bed-ma, neus ket un tourmant,
Am lakfe da chans santimant,
Va Jesus a so em c'halon
E varo ag e basssion.

Ag a vezo da virviken,
Evit nep glac'har, nep anken,
Rag-ze, tyrant, hastit afo,
Deut d'am c'hondaoni d'ar maro.

— 7 —

An tirant-ze gant e arrach
 A lakas dispen e bisach,
 Ag ar c'hig dioar e c'hostou,
 Gant kribou houarn a skrivellou..

Gant goulaouenou alumet,
 He gouliou neuze rostet,
 Ag e diou vron a unanou,
 Distaguet gant razouerou

Laket voa neuze en noaz beo,
 Goloet hepken gant e bleo
 Gant eur goabren wen meurbet,
 Er goloas Salver ar bed.

Var e fenn an toliou marzol,
 A gweze gant ker bras harol,
 Ma krene memes ar pave
 Gant a toliou a receve.

Pa veljont oa e nep tourmant,
 D'ober dei chans a santimant,
 Var ar chaffot e oa dreset,
 Evit ma vije dibennet.

Ar boureo gant truez outhi,
 Ne zibenne ket anezhi,
 He zad, boureo ar c'hruella,
 En em offras d'e dibenna.

Neuze ec'h eure eur beden,
 Da Zoue vit ar Cristeinien,
 Ma plich da Zalver ar bed,
 Akordi dezhi eur reket.

Goulen a eure ous Doue
 Evit piou benak er fedje
 Ne varvo ket subitamant,
 Araog receo ar Sakramant

Un Æl neuze apparisas,
 A d'ar Santez a lavaras,

— 8 —

Barba no pet douetans ebet,
Akordet eo deoc'h ho reket.

Eur gurunen a c'hloar a zougan
Breman souden do kuruna,
Rag prest oc'h da vont da velet
Doue, ar Sent, a Sentezet.

Un taol kleze digant he zad,
A zispartias evit mad,
He c'horf buan deumeus he fenn,
Ag e lamas a bep anken.

Un taol kurun deumeus an Env,
A fweltras he zad goude-ze,
Kement all evit paemant,
A c'hoarvezas gant an tyrant.

E pep korn euz a Vreiz-Izel,
So un ilis pe eur chapel,
Cediet da Santez Barba,
Goude Doue garan muya.

En drede lun a viz gwere,
E vez bras ar solanite,
E Santez Barba, en Rosko.
Eno e vez tud a bep bro.

Santez Barba, deumeus an tan,
Hor preservit bras a bian,
Ous gurun a maro subit,
Hor preservit dre ho merit.

A pa finiso hor buez,
Bezit hor gwir Avokadez
Dirag Jesus Salver ar bed,
Ma n'em wellomp er Joausted.

LE BRUN.

Propriété réservée.